



Museo  
do Pobo  
Galego



instituto de  
estudos das  
identidades

### Canto da arada

“Márchate de casa, Xuan,  
colle os bois e vaite á arada”

*Trailara laila, laila*

*Trailara laila, lailalá.*

“Eu collín os meus boiciños  
e marcheime á arada.

*Trailara laila, laila*

*Trailara laila, lailalá.*

No medio do camiño  
olvidouseme a guillada;

*Trailara laila, laila*

*Trailara laila, lailalá.*

Cuando me cheguein á casa  
estábame a porta pechada.”

*Trailara laila, laila*

*Trailara laila, lailalá.*

“Ábreme a porta, muller,  
que veño por a guillada.”

*Trailara laila, laila*

*Trailara laila, lailalá.*

Cuando me entrein en casa  
estábame a mesa moi preparada.

(...)

Púxenme a comer na mesa  
como se non fora nada.

*Trailara laila, laila*

*Trailara laila, lailalá.*

“E o gato do taberneiro  
que ven pra onde a nosa gata”

*Trailara laila, laila*

*Trailara laila, lailalá.*



“Traime a escopeta, muller,  
e traíma ben preparada,  
que vou matar este gato  
que está debaixo da cama.”

“Non o mates tu, meu home,  
que é moi bon pra nosa casa,  
a ti dache pantalois  
i a min levántame a saia.  
I ós nenos dáballa perras  
pra que non dixesen nada.”